

GITANOS

Iscurigan sas dies
 chenz'apprettu,
 e naschen sos manzaniles
 nòos,
 peri sas contonadas;
 elimosinende
 iscartos de cumpassione,
 cun piantas de manos ispaltas
 a pramos a chelu.
 Iscurren sas istajones
 cun àes migradoras,
 in nidos chenz'affianzu
 serente a foghiles fraccos.
 E donzi die
 es festa de accabarrare
 finz'a s'intirinada
 chenza pedinu 'e sos cras.

Misterios de passione
 sezis,
 cun apparizzos tancados,
 pro ojos chi cheren chilcare
 de istrobojare e cumprender.
 E unu mundu furadu a sas nues
 che tirat sas penas anzenas,
 cadenas chi sighin'andare
 cun passos longos currende,
 ammuntonende abbramida,
 pro isfida, cun coidadu
 impelèos de fumu
 doradu.

E sighit s'eterna cantone
 lassende sa pedde attuddida
 tutt'a pannos de istrazzu,
 abbrazzu de vida ispozada
 razzigada da-e fumos
 dorados
 chi sonnian e fuman cun issa.

GITANI

Calano i giorni / senza premura, / e nascono nuove aurore, / sui cantonali, / elemosinando / scarti di compassione, / con le piante delle mani aperte / e i palmi verso il cielo. / Scorrono le stagioni / con uccelli migratori, / in nidi senza calore / adiacenti a focolai fragili. / Ed ogni giorno / è festa da accaparrare / fino all'imbrunire / senza premura del domani.

Misteri appassionati / siete, / con banchetti riservati, / per gli sguardi che vogliono cercare / di comprendere e disingarbugliare... / E un mondo rubato alle nuvole / trascina le sofferenze altrui, / catene che proseguono il viaggio / con passi slanciati correndo, / ammicchiando con ingordigia, / per sfida, premurosamente / impicci di fumo / dorato.

E prosegue l'eterna canzone / lasciando la pelle intirizzita / sotto panni di stracci, / abbracci di vita spogliata / raschiata dai fumi / dorati, / che sognano e fuman con lei.